

Шочмо эл, порылык да чын верч!

Будь готов!

36-шо (3528) №,
2021 ий 3 сентябрь,
кугарня.

Ямде лий



1933 ий 1 февраль годсек лектеш.

0+

7 сентябрь –
Түмырзö-влакын
кечышт.

Куштыктышо түмыр

Эх, түмырым перкалыме йўкым колатат, кумыл нөлталтеш. Йол шкеак тавалташ вашка. Мыйын веле мо? Теве Волжский район Сотнур школын тунемшыже Роман ТЕРЕНТЬЕВ (снимкыште) йолташыже-влакым кажне кечын куштыкта. Тудо Сотнур түвыра пөрт пеленысе «Мөр саска» йоча ансамбльын уста түмырзыжö.

– Семўзгарлан, марий муру ден куштымашлан ачам шўманден. Түмырым сайынрак перкалаш кок ий ончыч тўжалынам. Тунар чот келшен, кид гыч колтыммо ок шу. Тудо мыйын йолташем, – ойла рвезе.

Роман түмырым сценыште веле огыл, пўртүс лонгаштат перкалаш йöрата. А марий кундемын пўртүсшö усталык шўлышым ешара. Ала икмыняр ий гыч шке шонымо семже дене калыкым куандараш тўналеш?!

Е.ИВАНОВА.

ПОДПИСКЕ

«Ямде лий» газетлан кажне тылзын 15 числа марте возалтын кертыда:

верласе связь отделени-
йыште (почто);

podpiska.pochta.ru сайтыш пурыза але «Почта России» мобильный приложенийым телефонышкыда шындыза.


Индекс – П4696.

Рекламе.



Түмыр
Дү-бү-дүб пералта,
Пуйто
Кўдырчет рашкалта.
В.КРЫЛОВ.

Фотом еш архив гыч налме.



Сенымаш

«Мыйын элем – мыйын Россияем» россияысе конкурсым иктешленыт. 14-17 ияш ўдыр-рвезе-влак проектыштым онлайн араленыт. 21 йоча сенышыш лектын. Нунын коклаште – Йошкар-Оласе Т.И.Александрова лўмеш 11-ше номеран лицейын тунемшыже Максим МЕДВЕДЕВ (снимкыште). Тудо «Мыйын тазалыкем» таҥасыште ойырте мал-

Аллергий ваштареш

тын. Уста рвезе Йошкар-Олаште аллергик-влаккан канаш келшыше икмыняр верым ышташ шона. Кажныштыже аллергенный огыл 2 тўжем кушкылым шындышаш улыт.

– Тыгай зоно-влакым олан картышкыже пуртат. Тудым сожкыллаште #АллергияSTOP проекттын лаштыклаштыже уржаш лиеш. Тушан ролик, опрос-влакым верандена. Ончыкыжым тыгай проектым Йошкар-Олаште веле огыл, моло вереат шындыраш тўналыт манын ўшанем, – оила Максим.

Х.АЛЕКСАНДРОВА
ямдылен.

Фотом Интернет гыч налме.

Россияысе увер

8-21 ияш йоча да самырык ен-влак, «Потомки победителей» всероссийский кинофестивальыш ушныза. 5 минут марте шуйнышо кином войзен, 25 октябрь марте kinofestival-pobedy.ru сайтыш колтыза.

3-11-ше класслаште тунемше-влак «Я и Россия: мечты о будущем» всероссийский конкурсышко ушнен кертыт. Конкурсын регионысо йыжыгышкыже ушнаш манын, сўретым але плакатым сўретлыман да 31 октябрь марте колтыман. Тўрыс уверым vsekonkursy.ru сайтыште ончыза.

Москосо Сенымаш тоштер кажне кумылан еным «Три танкиста» флешмобыш ушнаш ўжеш. Муро гыч ужашым мурымыв видеош войзыман да #МузейПобеды, #ФлешмобТриТанкиста, #ТриТанкиста хештегла дене «ВКонтакте» ден Instagram сожкыллаш верандыман. 7 сентябрь марте victorymuseum.ru сайтышке йодмашым колтыман.

Марий Элысе увер

Таче Республикысе изосымыктыш тоштерыште «Со школой по жизни» сўрете ончер почылтын. Тыште тунемше ден туныктышо-влакын пашаштым ужаш лиеш. Выставке 17 октябрь марте шуйна.

Медведево посёлкышто «Теремок» у йочасадым почыныт. Тушко 2-7 ияш 100 ўдыр-рвезе кошташ тўналеш.

Марий Турек район Тат-Китне школын тунемшыже Данил Габдуллин «Добровольцы – детям» X всероссийский акцияш ушнен. Тудо поро кумылым ончыктышо «Челлендж «Три шага» проектше дене лидер-влак радамыш логалын.

Историйым шергалына

1812 ийыште *Отечественный сар годым Бородино села воктене (Москвадеч 125 мейге ўрдыжтө) моткоч кугу да пеш виан кредалмаш лийын. Генерал М.И.Кутузовын вуйлатыме руш армий француз-влакым Москвавоктеч чактарен. 7-идым шарнен, 8 сентябрьыште Россияште Воинский чап кече палемдалтеш.*

1975 ий 4 сентябрьыште «Что? Где? Когда!» передаче икымше гана лектын.

«Мо? Кушто? Кунам?»

Ешыштына тиде передачым ончаш моткоч йоратена. Тушто шуко ум пален налаш лиеш. Тиде модышым ончен, мыйынат пўсө ушан лияш кумылем лектын. Кызыт книгам утларак лудаш тыршем.

Алина СУББОТИНА.
2-шо номеран Морко школ.

У ончер

Шернур районсо А.Конаков лўмеш тоштер да ончер комплексште Шинчымаш кечылан пөлеклалтше «Школ, тунемме ий, салам» выставке почылтын. Тудо 30 сентябрь марте шуйна. Ты ончер ий еда эргаралтеш, поро йўлашке савырнен. Тоштер пашаен-влак Совет жап годсо тетрадь, книга, пыстыл ручка-влакым ончаш темлат. Ожнысо школ вургем калыкым поснак ўрыктарен.

Дима ВЕДЕНЬКИН.
1-ше номеран

Шернур школ.
Фото-влакым Интернет гыч налме.



Сардаялыште – у школ

«Образование» нацпроектын «Современная школа» регионсо проектше почеш Марий Турек район Сардаялыште 60 веран у школым чоҥат. Паша 20 декабрьыште мучашлалтшаш. Тидын нерген школ директор П.В.СОРОКИНА (снимкыште) дене мутланьшна.



– Полина Владимировна, тачысе кечылан мом ыштен шуктымо?

– Ик пачашан школ лиеш. Тачысе кече марте фундаментым ыштеныт. Тиде арнян пырдыжым кермыч дене опташ тўналыныт. Тыгодым иканаште вес паша шолеш: вўдпучым шупшыт, школ йыр асфальтым шарат. Школлан оборудованийым, мебельым наледена. У школым чоҥаш 170 миллион утла тенгем ойырымо.

– Школ мо дене ойырте-малташ тўналеш?

– Кызытсе илышлан келшыше кабинет-влак лийыт. Кажне классыште – интерактивный доска. Ёдыр-влакым ургымо пашалан туныктымо кабинет лиеш. Столяр пашам виянден колташ рвезе-влаклан посна верым ойырымо. «Н» буква койшо пола-

тыште – ныл блок: тунемме корпус, йочасад, спортзал ден актывый зал иктеш, столовый. Душ кабине, гримёрный лийыт.

– У школым почмо дене тунемме пашаште могай вапталтышышым вучеда?

– Спортым виянден колтынена. Ёдыр-рвезе-влакым технологий кабинетыште пырля туныктенна гын, ынде посна кабинет-влак ойыралтыт. Шке сценына лиеш: тўрлў спектакльым ончыктен кертына. Кружок-влакым ешараш шонена. Шымлымаш пашалан кугурак тўткышым ойырынена. У пианиным пуат, йоча-влакым музыкылан утларак шўмандаш тўналына. Марий йўлам виянден колташ йон лектеш.

– Чонышто могай шиж-маш озалана?

– Моткоч йывыргенна. Тиде татым кужу жап вученна. Ача-ава-влак пеш куаненыт. Пашам ышташ кумыл утларак уло.

Х.АЛЕКСАНДРОВА
мутланен.

Тений

Сардаял школышто 34 ёдыр-рвезе тунемеш, 5 йоча икымше гана парт коклашке шинчын. Йочасадышке 20 икшыве коштеш. 12 туныктышо пашам ышта.

«Пушкин карте»

1 сентябрь гыч Российыште «Пушкин карте» тўвыра программм илышыш шындараш тўналыт.

Пушкин карте – самырык ен-влаклан лукмо банк карте. Тудын дене вес олаштат тўрлў экскурсийыш, театрыш да моло мероприятийыш каяш билетлан тўлаш лиеш.

Кок тўрлў

Пластике да электрон карте лийыт. Тушко кугыжаныш 3 тўжем тенгем пышта. Тиде оксам вес вере кучылташ ок лий.

Кўлан пуат!

14-22 ияш ёдыр-рвезе-влаклан.

Кузе налаш!

«Госуслуги» порталыште регистрацийым эртыман. Смартфоншыко «Госуслуги.Культура» приложенийым шындыман. Тушан мероприятий-влакым верандат. Тичмаш афише дене «Культура.РФ» порталыште палыме лияш лиеш.

3 сентябрь –
Терроризм ваштареш
кучедалмаште
икоян улмо
кече.



Тиде кечын 2004 ий 1 сентябрьыште Беслан олаште лийше трагедийыште колышо-влакым шарналтена. Тунам боевик-шамыч тўжем наре еным (утларакше йоча-влак) заложникыш налыныт. Спортзалыш петыреныт да кум кече кученыт. Нуно ик чўчалтыш вўдымат подыл кертын огытыл. Садлан тиде кечын «Капля жизни» акцияым эртарат. Кидкопашкышт вўдым налын, пеледышыш шават.

Вучымо тат

Шукерте огыл кенез чевер игече дене куандарыш, шыжат толын шуо. Ме угыч парт коклашке шична. Тиде татым моткоч вученам. Йолташ, туныктышо-влак дене угыч вашлийна. Школышто тыршен тунемаш тўналам. Авамым «визытан» дене куандараш шонем.

Юля ЯГОДАРОВА.

Советский, Кельмаксола.

Синквейн

Ручка
Шеме, канде.
Воза, удыра, сўретла.
Тунемшын йолташыже.

Арвер.

Вова ИВАНОВ.

Морко, Шўргыял.

Юзо шўлышым пуртен

Визымше классышке вонченам гынат, икымше туныктышемым чўккыдын шарналтем. Школыш тунемаш толмеке, йомакысе тўняшке логалмыла чучын. Любовь Викторовна Павлова чонышкына юзо шўлышым пуртен моштен. Тудо лудаш, возаш, шотлаш да сўретлаш туныктен.

Савелий ФЁДОРОВ.
Морко, Эгерсола.



Республикысе курчак театр 80-ше юбилейный тургымым «Гуси-лебеди» спектакль дене почын. Режиссёр – Санкт-Петербург гыч А.Я.Стависский.

– *Йоча-влаклан спектакльым шуэн шындем. «Гуси-лебеди» йомакын моральже, шонымашыже чылалан палыме. Ёдыр-рвезе-шамыч умылышт, нунылан ончаш куштылго лийже манын тыршенам, – оила режиссёр.*

Александр Янович У ий пайремлан «Серебряное копытце» спектакльым шында.

Курчак театр молгунамсе семынак калык ончыко ятыр

у спектакльым лукташ палемден.

– *Шуко у постановкым руш калык йомак почеш*

У тургым – у спектакль



шындена. Тыгак немыч йомакзе Вильгельм Гауфын «Карлик Нос» йомакшын премьерже лиеш. Тудо руш калык йомак деч мистике

сынан улмыж дене ойырте-малтеш.

«Умка» спектакль-влакым да моло йомакым ончаш

темлена, – пал-дара театрын режиссёржо

Е.А.Насупа. – Октябрьште Свердловск кундем гыч Краснотурьинский курчак театр «Кугу гастроль-влак» программе дене толшаш. Тудо «Малыш и Карлсон», «Мойдодыр» да «Огневушка» спектакльлам ончыкта. Ме Чуваш курчак театрын эртарыме «Карусель сказок» фестивалыш каяш ямдылалтына.

Е.ИВАНОВА.

Фотом театрын архивше гыч налме.

Кумлымшо гана

Марий самырык театр у тургымым премьер-влакын парадышт дене тўналын. Ныл спектакльым ныл режиссёр шынден. 1 сентябрьште «Звёздный блин» йомакын премьерже лийын. 4-5 сентябрьште Г.Гордеевын «Кок родо – пошкудо» комедийжым ончаш ўжыт. Самырык-влак-лан келыштаралтше «Сторож» лирике комедий 9 сентябрьште лиеш. А 12 сен-

тябрьште «Сказка о рыбаке и рыбке» йомак дене йоча-влакым куандарат. Лўмгечылан пўлеклалтше ятыр мероприятий эрта-раш палемденит.

– *«Эртым корным шергалына» фестиваль кумло ий ыштыме пашанам савырнен ончалаш, кузе вияҥмым, таче кузе илымым да ончыко мом ыштышашым шергалаш полша. «Ик ялыште кум сўян», «Сказки дядюшки Римуса» да моло спектакль-влакым калык ончыко луктына», – оила театрын художественный вуйла-*

Авторын фотожо.



Тений театрлан 30 ий темеш. Пайремым торжественно 18 ноябрьште палемдат.

тышыже О.Иркабаев. **Е.СЕРГЕЕВА.** Авторын фотожо.

Аншлаг – билетым ужален пытарыме нерген увер.

Антракт – спектакльын актше-влак коклаште каныш.

Трюм – сцене йымалысе вер.



У мутым тунемына

Сенгымаш

М.Шкетан лїмеш Марий национальный драме театрын артисткыже Светлана Сандаковалан «Марий Эл



Республикын калык артистше» чаплї-мым пуэзыт. Шокшын саламлена! Кугу кїкшытыш шуаш тыланена!



«Бавайым» вучем

Театрыш кошташ моткоч йўратем. М.Шкетан лўмеш Марий национальный драме театрын кодшо ийын шындыме премьерже-влакым чыла онченам. «Бавай» спектакль эн чот келшен. Актрисе Светлана Александрова сайын модеш. Тудо геройын образшым тўрысnek почын пуа. Спектакль моткоч онай, тачысе кечылан келыштаралтын. У театр тургымышто ты спектакльым шындат гын, угыч ончаш каем.

Настя ИВАНОВА. Морко, Коркатово.

Пошкырт кундем Бирск район Курмызак ялыште марий шўлышан, пайрем йўлам жаплыше Байрамовмыт еш (снимкыште) ила. Роберт Русаевич ден Лиана Ярминкиновна ушнымыштан тени – 31 ий. Суртоза – Кужнур ял шотан илемын вуйлатышыже. Озаватын ылышыже марий тўвыра дене кылдалтын. Тудо ятыр ий клуб пеленысе «Шонанпыл» йоча ансамблым вуйлатен. Ватемарий куд икшывым ончен куштат.

Кугурак эрге-шамыч Рудольф ден Антон ешым чумыреныт. Коктынат кок икшыван улыт. Самырык ача-влак шкешт гаяк марий шўлышан йочам куштат.

Мария Бирскысе кугыжаныш педагогике институтым тунем пытарен. Кызыт кевытыште пашам ышта. Руслан шукерте огыл армий гыч толын, йўдвелне тырша. Виктория эмлызе лияш ямдылалтеш. Бирскысе медико-фармацевтический колледжын кокымшо курсыштыжо шинчымашым пога. Спорт дене пенгыде кылым куча. Ятыр медальже, чапкагазше уло.

Эн изиже – Вероника. Тудо ача-аван куанышт, польш-калышышт. Аваж гай чолга, усталык шўлышан, ачаж гай ушан да чулым кушкеш. Курмызак школын 2-шо классыштыже тунемеш.

– Шочмо йылме тукым-



влак коклаште кылым пенгыдемда. Шочшына-влак марий койышан улыт. Ешыште марла кутырен,



йылмым йораташ туныктенна, – ойла Лиана Ярминкиновна. – Ешыште пайрем йўлам шуктена. Икшывына-влак тидын нерген изинек пален кушкыныт. «Шонанпыл» ансамблыште муру, куштымаш гоч калыкын эртыме корныжым почын пуаш тыршенам. Эргына-влак кызыт шке ешыштышт марий пайремым пайремлат. Ёярнялан, Семыклан уналыкеш толыт. Чесым ямдылен, ёстел йыр погынен, чон почын кутырен шинчыманам еш йўлалан шотлем.

Шочмо суртыш кеч-кунамат чон шупшеш. Арам огыл тудым чоным ырыктыше верманят.

Е.ИВАНОВА.

Фотом еш архив гыч налме.



Синквейн

Ава

Поро, шыма.

Йората, ойгыра, туныкта.

Тудым моткоч аклем.

Поро йолташем.

Рома ИШМАНОВ.

Татарстан, Агрыз, Буймо.

Ольош шольым

Мыйын

кум ияш Ольош шольым уло.



Ольош – пеш весела, чулым рвезе. Ме коктын түрлө модыш дене модына, книга лудына, газет ден журналым шергалына, телевизор дене йомакым ончена, лўнгалтыш дене лўнгалтена. Шольым весела сем почеш кушташ йората. Кажне эрдене мыйым школыш ужата.

Сева НИКИТИН.

Кужэгер, Шўдымарий.

Фотом еш архив гыч налме.

Поро да мастер

Авам – тўняште эн шерге айдеме. Тудын лўмжө – Алёна. Мыйым умыла, чамана. Авам поро кумылан, пашалан моткоч мастер. Мыланна тамле кочкышым ямдыла. Мыйымат туныкта.

Алёна МОРОЗОВА.

Кужэгер школ.

Ача-ава йлбаке вуйым шиймаш – уда койыш.

К.КОРШУНОВ.

Икоян улына

Мыйын улыт коваем, Ачаем да аваем, Уло шольым, мый улам. Ешлан жапымат муам. Шольым дене модына, Тунемаш йывыртена. Аваем коштеш колхозыш, Мўнгыштө ачам тырша. Мый пашам ыштем лап возын Коваем дене пырля. Шап Унчышто илена, Икоян мемнан ешна.

Оля СТЕПАНОВА.

Морко район.

Пенгыде кыл

Авам ден ачам кум шочшан ешыште кушкыныт, коктынат кугурак икшыве улыт. Иза-шольо, акашўжар коклаште кылышт пенгыде. Икте-везылан түрлө пашам ышташ полшат. Авам ойла: «Шке тукым-вожым мондыман огыл, пенгыде кылым кучыман».

Анна ВИНОГорова.

Звенигово, Кожласола.





Канде-канде теңызыште илен улмаш Эвика лұман изи вүдчинче. Тудо иза-ака-влаклан поян лийын: Пылке, Йўрга, Лумчо... Чыланьштым шотленат от пытаре. Эвика ўжара волгалттым, шўдыр чўкталттым шўм вургыжын вучен. Вўдчинче кашалот Ванюш, дельфин Эчук дене модаш йўратен. Вўд толкынын сер деке лупшалалтмыжым

куанен ончен. Жап эртен, Эвика кушкын. Шочмо вершўржў дене чевер-ласаш жап толын шуын. Эвика капкыл куштылеммыжым

Вўдчинче

шижын да кавашке чонештен кўзен. Теңызше кўшыч моткоч моторын койын: кумда, нимучашдыме. Тыге Эвика кавасе ош пылыпш савырнен. Эвика умбакыже каен. Лыжга йўр тўналын. Эвика Амазонкыш чонештен волен. Вўдтолкын почеш шуко жап ийын. Мом гына ужын огыл: джунгли чодыран ошман сержым, тўрлў тўсан кайык-влакым. Тыштат изи чукай шуко йолташым муын: энерысе дельфин Мичум,




гуппи колым, кужу пондашан сом колым... Икана томаша лийын каен. Эвика кугу йўкым колын. Тиде вўдшунгалтыш (водопад) лийын. Толкын вўдчинчым умбаке нангаен. Ик татыште Эвика капкыл куштылем-мым шижын. «Мый чонештем!» – уло кертмын кычкыралын тудо. Эвика угыч эркин йогышо энерышке логалын. Ик кечын палыме шинчал пушым шижын. Тудо шочмо мўнгыжым ушештарен. «Вашке мўнгў пўртылам!» – куанен шоналтен вўдчинче. Тиде энер ден кугу теңызын ушнымо верышт лийын. Ончылно – кугу канде Атлантик теңыз...

Екатерина ШУЧИНА.
Шернур, Пўнчерйымал.


Кутко ден шукш

Илен улмаш шем кутко. Тудын родо-тукумжат, йолташыже-влакат лийын огытыл. Пўртшымат шалатенит. Кочкышыжымат кочкын пытаренит. Чодыра мучко кочкаш кычалын кайымыж годым шукшым вашлийын. Пырля тамле сийым муыныт да пеле гыч пайлен кочкыныт. Нуно умбакыже каенит. Жап эртымеке, чапле пўртым чоненит. Тыге кутко ден шукш келшен илаш тўналыныт.



Ярослав ПЕТУХОВ.
У Торъял, Токтарсола.

Сылне ўдырлан мўнгыжў корным муаш полшыза. Стрелке-влак почеш каеда гын, тудын лўмжым пален налыда.



Б	→	Е	←	А	→	Н	←	У
↑		↓		↑		↑		↑
Г	→	Л	←	В	→	Р	←	И
↓		↓		↓		↓		↓
Д	→	О	→	С	→	Н	←	Ф
↑		↑		↑		↓		↑
Е	→	К	←	Л	→	Е	←	Т
↑		↑		↑		↓		↓
Ж	→	И	→	М	→	Ж	→	К
↓		↓		↑		↑		↓
К	←	З	←	П	→	С	→	А



Бала ден Лала

Илен улмаш Бала лўман рвезе. Тудын Лала лўман йолташыже лийын. Нунын койышышт весела, чолга улмаш. Икана уремыште модмышт годым нунын деке рвезе лишемын. Лўмыштын пален налмеке, модаш тореш лийын. Воштылын коран каен. Лала ден Бала юарленит. Арвезе ўрдыж гыч ончен, угыч воктекышт мияш намыс лийын. Лўмым огыл, айдемын чонжым шижын моштыман.

Артём ИВАНОВ.

Йошкар-Ола, 24-ше №-ан школ.

Илен улмаш ўдыр. Тудлан ачаж ден аваже Ануш лўмым пуэныт. Ўярня тылзын 9-ше кечынже Ануш 9 ийым темен. Ялыште тудым кужу ўпшылан кўра Кужу ўп маныныт: ўпшў мланде марте шуын.

Икана Ануш чодырашке каен. Кенета вондер коклаште йынгысымым колын. Ончен: Пўчў!

– Мо лийынат, Пў-

Кужу ўпан ўдыр

чў? – йодын Ануш.
– Йолем сусыркен.
– Изишак чыталте, мый тыланет полшем.
– Кузе? Тыйже пеш изи улатыс.
– Ит ойгыро. Йўным муына, – манын Ануш. – Сусыр-гышо йолетым ончыкто.
Пўчў тыгак ыштен. Ўдыр сусыр верым кужу ўпшў дене

пўтырен шынден. Шкеже ойлен: «Пўчын сусыржым тўрлате. Тудым йол ўмбақ шогалте».

Икмыняр тат гыч Пўчў тўрланен. Вондер кокла гыч лектынат, манын:

– Кугу тау, изи ўдыр. Тачат пўчў марий чодыраште кудалыштеш.

Марианна КУШАКОВА.
Морко, Коркатово.

Төрлаш күлеш

Модыш-влак –

адак шалаште!

– Нуным погалташ күлеш! –
Маньым мый

паша коклаште.

Ваштарешем: «Пеш күлеш!»

Шудыжо мыняр паклаште,
Сомылаш пешак күлеш.

– Ёдырем, лек-я чарашке!
Кольым угыч: «Пеш күлеш!»

Математике ден задачым
Шоналтен ышташ күлеш.

– Тыланет полшем мый
таче.

Шыдешкенак:

«Пеш күлеш!»

Пуру кызыт кажне суртыш:
Телевизор мўгыра.

Кидыштышт –

у чапле модыш.

Ок кол тыйым – сонгыра.

Ёрдыжкё книгам шўкалын,
Кечыгут йоча модеш:

«Фермыште» лўшта

ушкалым.

Кызытак төрлаш күлеш.

М.И.ПОЛИКАРПОВА.

Звенигово,

Красногорский посёлко.

Мастар кид

Айста паровозым пырля ыштена. Икымше вагонжылан кабачокым, кокымшо вагонжылан изирак дыньым але кавуным пўча. Оравам кабачок гыч, трубам кешыр гыч ыштыза

да зубочистке дене пижыктыза. Шинчалан шоптыр але полан пырче келша. Вагоным түрлө саска дене темыз. Ямде паровозым пу онашке але подносышко шындыза.

Сўретым
Интернет
гыч налме.



«Ямде лий» йоча газет
Тўнг редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelfi>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ: Марий Эл Республикысе культур, печать да калык-влакын пашашт шотышто министерстве.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогным эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьш пуымо жап –
14-00,
фактически – 13-00

Авторын да редакцийын шонмашышт түрлө лийын кертыт. Серыш-влак монтеш огыт колгалт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пёрт.
Тел. 8(8362) 45-22-82(факс)

40 килограмм шоган

Тўнямбалне 500 түрлө шоган уло. Ик түрлыжым кочам дене шынденна. Вич грамм нёшмё гыч росотам ыштенна. Тудым шым метр кутышан йырагеш керденна. Кенез мучко йырагысе шўкшудым сомыленна, ешартыш «кочкыш» дене сийленна, шокшо игече годым вўдым шавенна. Шукерте огыл поген налынна. Лектышыже моткоч куандарен! Ик шоганын кокла нелытше – 333 грамм. Чылаже 40 килограмм погынен. Шоган дене кеч-могай кочкыш: шўр, паренге, кол, салат – тутлырак.

Морко, Купсола.



Палаш онгай


*Олма але грушо
дене таңастарымаште,
шоганыште сакыр шуқырак.*

*Мўкш але ошымшўлыш
пўшкылын гын, коваштыш
шоганын сокшым йыгыза.*

*Шоганым теплицыште
ончен куштышо-влак шагал-
рак черланат.*

«Ямде лий» 2021 ий 3 сентябрь

Фотом еш архив
гыч налме.



Даша СОШИНА.

Тылзе гай кавун

Шёртнё шыже толын шуын. Авам кавуным йыраг гыч поген налын. Кавунжо чевер, тул тўсан, кавасе тылзым ушештара. Пуйто мландышке шёртнё тўсан лышташ-влак вельыныт. Шольым дене коктын нунын пелен войзалтна.

Костя ШЕХУРДИН.

Шернур, Кукнур.

Фотом еш архив
гыч налме.



У конкурс



**Фотом
3 декабрь
марте кол-
тыман.**

Снимкыште: Марина СТЕПАНОВА (Волжский, Ушшер).

Ўдыр-рвезе-влак, те мом гына ыштен огыда мошто: футболла талын модыда, түрлө материал гыч мотор арверым ыштеда, тамле кочкышым ямдыледа, моторын куштеда, сылнын сүретледа, семүзгар дене шоктеда...

Мастарлыкдам ончыктен, онай фотом ыштыза да https://vk.com/yamde_lii тўшкашке сообщений дене колтыза. Паша-шамычым газетеш да группеш верандена. Эн шуко лайкым погышо фото сенышыш лектеш. ♥ шындыше «Ямде лий» – марла йоча газет» тўшкан подписчикше лийшаш.

Ешартыш лайкым кузе погаш?

400 лайк: 2021 ийын кокымшо пелийжылан «Ямде лий» газетлан почто гоч подпискым ышташ да квитанцийжым але тудын копияжым редакцийышке колташ.


200 лайк: электрон подпискым ышташ. 89027382237 номер дене Сбербанкш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

**Сенгышым
чапле
пөлек
вуча.**

Рывыжигылан маскаиге йолташыж деке корным муаш полшыза.




Сүретлен пытарыза.



Кок сүретым ушымеке, могай калыкмут лектеш?



Шылтыме цифрым пален налза.



Математике кроссворд

20	+		-		=	19
+		+		+		
	+	9	-		=	8
-		-		-		
	+		-	2	=	9
=		=		=		
16		12		10		

Задаче

Рвезын шўжарже тунар уло, кунар шольжыжо. Но кажне шўжаржын шольжыжо кок пачаш шуқырак.



- Ешыште чылаже мыняр йоча?
- Тышеч мынярже рвезе да ўдыр?

1.Телым оравам ямдыле, кенжым – терым.
2.Колызо нора, сонарзе пов.
3.Порткайык лийин шомьме, шўшылык лийин от керт.

Вашым:

В.СМИРНОВ ямдылен.

Интернетысе сүрет-влакым кучылтмо.